

Na ntango ya bolembu

Nalobi ete, Yo ojali Njambe na ngai. Mikolo na ngai ijali na loboko na yo, ... Nde oyoki solo mongongo na mabondeli na ngai mpe kolela na ngai epai na yo.

(Njembo 31:14,15,22)

Nkolo Yesu alobaki ete, Ngolu na ngai ekoki na yo, jambi nguya na ngai ekokisami kati na bolembu. ... Mpe tala, ngai najali na bino elongo mikolo yonso kino nsuka na ekeke.

(2 Bakolinti 12:9; Matai 28:20)

Njambe ... akobondisaka basokemi.

(2 Bakolinti 7:6)

E molimo na ngai, mpo na nini okweisami? Mpo na nini ojui mpasi kati na ngai? Jala na elikia epai na Njambe mpo ete nakosanjola ye lisusu, ye oyo ajali mobikisi na ngai mpe Njambe na ngai.

(Njembo 42:11)

Okobatela ye na kimia, ee na kimia mpenja, ye oyo makanisi na ye maumeli epai na yo, jambi ajali kotalela yo.

(Yisaya 26:3)


© C.E.R.S. - B.P. 1673 Kananga

République Démocratique Du Congo

Email: 33eme.cers.lit@gmail.com

<http://www.33eme-cers.org/>

MALOA NA KOLENDISA



Nani akolongola ngai?

Ngai moto na mawa mingi! Nani akolongola ngai na njoto oyo na kufa? Bobele Njambe mpo na Yesu Klisto, Nkolo na biso. ... Na boye, sasaipi bango kati na Klisto Yesu bakokitisama te.

(Baloma 7:24,25. 8:1)

Nde Njambe amonisi bolingo na ye mpo na biso na njela oyo: naino ejalaki biso bato na masumu, Klisto akufelaki biso. ... Solo akumbi mpasi na biso mpe amemi mawa na biso; nde totangi ete apesameli etumbu ete abetami na Njambe mpe anyokolami. Kasi ajokisami mpo na masumu na biso, atutami mpo na mabe na biso; etumbu oyo eyeiseli biso kimia etiami epai na ye, mpe na mapipi na ye, biso tobikisami.

(Baloma 5:8; Yisaya 53:4,5)

Na ntango ya bojangi

Soko tolobi ete tojali na lisumu te, tojali komipengola biso mpenja mpe solo ejali kati na biso te. Soko tokoyambola masumu na biso, ye ajali sembo mpe moyengebeni mpo na kolimbisa biso masumu na biso mpe kopetola biso na bokesene yonso.

(1 Yoane 1:8,9)

Jambi lokola molai na lola ejali na likolo na mokili, boboto na ye ejali monene boye epai na baoyo bakobangaka ye. Mosika pelamoko yango kati na epai na ebimelo na ntango mpe epai na elimwelo na yango, mosika boye asili kolongola bipengweli na biso. Pelamoko tata akoyokela bana na ye mawa, boye Yawe akoyokelaka bango mawa baoyo bakobangaka ye. Jambi ayebi njoto na biso, ajali kobosana te ete tojali bobele mputulu.

(Njembo 103:11-14)

Na ntango na komekama

Emekeli moko ekomeli bino te oyo ejangi epai na bato yonso. Njambe ajali sembo; ye oyo akotika bino te ete bomekama na koleka nguya na bino, kasi esika moko na emekeli, akobongisa ekimelo ete bokoka koyika mpiko. ... Libula ... likosila te, libombami kuna na Likolo mpo na bino. Bino bobatelami na nguya na Njambe mpo na kondima ... ata naino mwa ntango moke ekoki na bino kojala na mawa mpo na komekama na ndenge na ndenge. Boye kondima na bino ekomekama, yango eleki motuya na wolo oyo ekomekama na moto ata ejali kobeba. Kondima na bino ekomonana mpo na masanjoli na lokumu mpe na lisimi wana ekomonana Yesu Klisto.

(1 Bakolinti 10:13; 1 Petelo 1:4-7)

Esengo na moto oyo akoyikaka mpiko kati na komekama, jambi awa esili ye kolonga, akojua motole na bomoi molakaki Nkolo epai na bango bakolingaka ye.

(Yakobo 1:12)

Na mokolo na mpasi na ngai naluki Nkolo.

(Njembo 77:2)

Yawe ajali lokola ebatelelo makasi mpo na bango banyokolami; ajali ebatelelo makasi ntango na minyoko. Baoyo bayebi nkombo na yo bakondima yo; mpo ete yo Yawe, okotikaka bango te baoyo bajali kolukaka yo.

(Njembo 9:9,10)

Njambe alobaki ete, Nakotika yo soko moke te, nakosabola yo mpe te. Boye biso toyebi kojala na molende awa elobi biso ete, Nkolo ajali mosungi na ngai, nakobanga te. Moto akosalela ngai nini?

(Baebele 13:5,6)

Bandeke mike mitano batekami na falanga mibale te? Mpe moko na bango abosanami na liboso na Njambe te. Kasi ata nsuki yonso na mito na bino itangami. Banga te, boleki motuya na ndeke mingi.

(Luka 12:6,7)

Na ntango ojangi mokambi

Talela Yawe na motema na yo mobimba mpe ndima bososoli na yo moko te. Na njela yonso na yo, ndima ye mpe ye akotambolisa yo. Tika te ete omonana na mayele na miso na yo moko; tosa Yawe mpe longwa na mabe. Boye okotambola na njela na yo na kimia mpe lokolo na yo ekotaa libaku te. Ekolala yo mpongi, okobanga te; ee, okolala mpe mpongi na yo ekojala kitoko.

(Masese 3:5-7, 23,24)

Okotambolisaka ngai na toli na yo, mpe na nsima okoyamba ngai na nkembo na yo.

(Njembo 73:24)